

## Clár

1.	Céard í an Scéim Dhreasachta Poist Pháirtaimseartha?	3
2.	Cé atá cáilithe?	3
3.	Conas a ghlactar páirt inti?	4
4.	Céard é luach an liúntais?	4
5.	Conas a íoctar an liúntas?	4
6.	Cén tionchar a imreofar ar mo theidlíochtaí amach anseo má ghlacaim páirt inti?	5
7.	Céard a tharlóidh nuair a chríochnóidh mé an DPP nó nuair a thiocfaidh deireadh le mo phost?	5
8.	Cén fhad ar ceadmhach fanacht sa Scéim DPP?	6
9.	An bhfuil aon sochair bhreise ann?	6
10.	Conas a dhéantar iarratas?	7
11.	Cén áit ar féidir a thuilleadh eolais a fháil?	7

Márta 2012

Ó am go chéile athraíonn na coinníollacha cáilithe le haghaidh na scéimeanna seo againne. Déan seiceáil i gcónaí leis an Oifig Áitiúil Leasa Shóisialaigh nó lenár Seirbhísí Eolais, le fáil amach an bhfuil athrú ar na coinníollacha cáilithe (féach ar leathanach 7 chun sonraí teagmhála a fháil).

Tá an t-eolas sa leabhrán seo i gceart ag am a fhoilsithe. Is mar threoir amháin atá an leabhrán seo, agus ní fhéachtar le léirmhíniú dlíthiúil a sholáthar ann.



# 1. Céard í an Scéim Dhreasachta Poist Pháirtaimseartha?

Tá an Scéim Dhreasachta Poist Pháirtaimseartha (SDPP), rud atá á reáchtáil ag an Roinn Coimirce Sóisialaí, tá sí beartaithe mar chloch chora i dtreo na hoibre lánaimseartha. Ligeann sí do dhaoine áirithe atá dífhostaithe go fadtéarmach glacadh le hobair lánaimseartha agus liúntas speisialta seachtainiúil a fháil in áit na híocaíochta do lucht cuardaigh fostaíochta. Ní mór d'fhaighteoirí na Scéime Dhreasachta Poist Pháirtaimseartha a bheith ar fáil do agus ag lorg obair lánaimseartha fad is a fhaigheann siad an íocaíocht.

## 2. Cé atá cáilithe?

Tá tú cáilithe le bheith páirteach sa Scéim DPP má dhéanann tú obair pháirtaimseartha ar feadh níos lú ná 24 uair in aghaidh na seachtaine agus má bhí tú i gceachtar den dá chás seo a leanas díreach roimhe sin:

- bhí tú ag fáil Liúntais do Lucht Cuardaigh Fostaíochta fadtéarmach (is é sin, íocaíocht do lucht cuardaigh fostaíochta á fáil agat ar feadh 15 mhí nó níos mó),
- ag fáil íocaíocht Liúntais sheachtainiúil do Lucht Cuardaigh Fostaíochta ar luach €119.00 ar a laghad má tá tú singil nó €193.90, má tá tú ag fáil méadú do dhuine fásta cáilithe (Nollaig 2011), agus
- ag gealladh go bhfanfaidh tú sa scéim ar feadh 2 mhí.

Ní mór gur dóchúil go mairfidh an post páirtaimseartha a fhaigheann tú ar feadh 2 mhí ar a laghad agus go bhfuil sé inárachais in Aicme ÁSPC A nó J. Má thuilleann tú €38.00 nó níos mó in aghaidh na seachtaine, beidh sé inárachais in Aicme A. Má thuilleann tú níos lú ná €38.00, beidh sé inárachais in Aicme J.

Má fhaigheann tú obair lánaimseartha, níl cead agat filleadh ar an Scéim DPP, beag beann ar a ghiorracht a bhí d'obair lánaimseartha.

Má tá tú féinfhostaithe (sealbhóir beag san áireamh), níl tú cáilithe le haghaidh na scéime seo.

### 3. Conas a ghlactar páirt inti?

Nuair a bheidh an post páirtaimseartha faighte agat, ba chóir duit teagmháil a dhéanamh le d'Oifig Áitiúil Leasa Shóisialaigh, chun iarratas a dhéanamh ar rannpháirtíocht sa scéim DPP. Iarrfar ort foirm iarratais **PTA 1** a chomhlánú agus sonraí a thabhairt faoi d'fhostaíocht pháirtaimseartha.

### 4. Céard é luach an liúntais?

Seachas do ghnáth-íocaíocht fostaíochta, gheobhaidh tú ceachtar de na liúntais sheachtainiúla seo a leanas faoi láthair (Feabhra 2012):

- €119.00 in aghaidh na seachtaine má tá tú singil
- €193.90 in aghaidh na seachtaine má fhaigheann tú méadú do dhuine fásta cáilithe.

Má tá tuilleadh eolais uait ar na rátaí is déanaí, logáil isteach ar **[www.welfare.ie](http://www.welfare.ie)**.

#### **Tabhair faoi deara**

**Níl aon mhéaduithe ar na rátaí seo do leanaí cáilithe. Tá an liúntas iníoctha, beag beann ar an airgead a thuilleann tú i do phost. Ach beidh do phá inchánach mar is gnách.**

### 5. Conas a íoctar an liúntas?

Déantar íocaíocht gach seachtain ag d'oifig phoist áitiúil.

Ní mór duit dul chuig d'Oifig Áitiúil Leasa Shóisialaigh gach seachtain chun dearbhú sínithe a thabhairt ar na huaireanta atá oibrithe agat.

Chomh maith leis sin, tabharfar foirm duit atá le bheith comhlánaithe ag d'fhostóir ag deireadh gach tréimhse ceithre seachtaine. Tá gá leis seo le deimhniú gur oibrigh tú ar feadh níos lú ná 24 uair gach seachtain agus go bhfuil tú ag gabháil d'fhostaíocht inárachais.

## 6. Cén tionchar a imreofar ar mo theidlíochtaí amach anseo má ghlacaim páirt inti?

Má fhaigheann tú ranníocaíocht chreidiúnaithe ÁSPC sula nglacann tú páirt sa Scéim DPP, leanfaidh tú de 'chreidmheas' a fháil maidir le gach seachtain nach n-íocann tú ranníocaíocht in Aicme A i do phost páirtaimseartha, fad is atá tú páirteach sa scéim. Má íocann tú ranníocaíochtaí in Aicme A i do phost páirtaimseartha, gheobhaidh tú leas iomlán na ranníocaíochta sin.

## 7. Céard a tharlóidh nuair a chríochnóidh mé an DPP nó nuair a thiocfaidh deireadh le mo phost?

Tá cead agat cáiliú arís le haghaidh Liúntais do Lucht Cuardaigh Fostaíochta fadtéarmach, fad is nach bhfuil aon athrú ar do chúinsí (seachas an post páirtaimseartha a chríochnú). Mar rogha eile, tá cead agat cáiliú le haghaidh Sochair do Lucht Cuardaigh Fostaíochta má tá go leor ranníocaíochtaí ÁSPC agat. Ach ní íoctar sochair thánaisteacha (mar shampla, Liúntas Breosla, Bónas Nollag) ach sa chás go bhfaigheann tú Liúntas do Lucht Cuardaigh Fostaíochta fadtéarmach. Tá cead agat Liúntas nó Sochar do Lucht Cuardaigh Fostaíochta a éileamh, de réir mar is fearr leat féin. Ní íoctar aon sochair thánaisteacha sa scéim Dhreasachta Poist Pháirtaimseartha.

## 8. Cén fhad ar ceadmhach fanacht sa Scéim DPP?

I dtosach, is ceadmhach fanacht sa Scéim DPP ar feadh bliain amháin. D'fhéadfaí é seo a shíneadh ar feadh tréimhse níos faide. Agus tú páirteach sa scéim, ba cheart duit leanúint d'obair lánaimseartha a lorg.

## 9. An bhfuil aon sochair bhreise ann?

### Cárta Leighis

Coinneoidh tú do chárta leighis ar feadh thréimhse na scéime DPP, beag beann ar do thuilleamh (suas le huasmhéid 3 bliana).

### Forlónadh Ioncaim Teaghlaigh

Má bhíonn tú ag obair ar feadh 19 n-uaire in aghaidh na seachtaine ar a laghad (nó 38 uair in aghaidh na coicíse) agus má tá leanbh cáilithe amháin ar a laghad agat atá faoi bhun 22 bliain d'aois, d'fhéadfá a bheith i dteideal Forlónadh Ioncaim Teaghlaigh. Is ceadmhach uaireanta a oibríonn do chéile nó do pháirtneir a chomhcheangal.

Seo forlónadh seachtainiúil a íoctar má tá ioncam do theaghlaigh faoi bhun teorann áirithe le haghaidh mhéid do theaghlaigh. Cuirfear do DPP agus do thuilleamh ó do phost le chéile nuair a bheidh do theidlíocht á ríomh. Má tá tuilleadh eolais uait, logáil isteach ar [www.welfare.ie](http://www.welfare.ie).

## 10. Conas a dhéantar iarratas?

Comhlánaigh foirm iarratais **PTA 1** agus seol ar ais chuig d'Oifig áitiúil Leasa Shóisialaigh í.

Beidh an tÉascaitheoir Poist ag d'Oifig Áitiúil Leasa Shóisialaigh ábalta níos mó eolais a thabhairt duit faoin Scéim DPP agus faoi roghanna eile ar bith atá ar fáil.-

## 11. Cén áit ar féidir a thuilleadh eolais a fháil?

Má tá tuilleadh eolais uait faoin Dreasacht Poist Pháirtaimseartha, téigh i dteagmháil le d'Oifig áitiúil Leasa Shóisialaigh.

Má theastaíonn uait leabhráin eolais, foirmeacha iarratais agus tuilleadh eolais a fháil faoi sheirbhísí leasa shóisialaigh:

- Logáil isteach ar **www.welfare.ie**.
- Líne Eolais Íosghlao ag **1890 66 22 44** (ó Phoblacht na hÉireann amháin) nó **+353 71 91 93313** (ó Thuaisceart Éireann nó ón iasacht).
- Buail isteach chuig d'Oifig áitiúil Leasa Shóisialaigh nó chuig an Ionad áitiúil um Fhaisnéis do Shaoránaigh.

### **Tabhair faoi deara**

**D'fhéadfadh rátaí difriúla a bheith á ngearradh ag soláthraithe seirbhíse éagsúla ar úsáid uimhreacha 1890 (Íosghlao).**

